

AKASHVANI AIZAWL

REGIONAL NEWS BULLETIN

HEADLINES (MORNING)

- 1. BJP Mizoram chuan nimin khan "Kargil Vijay Diwas" pualin BJP Mizoram State Office, Mipui Rûn-ah hun an hmang.
- 2. National Highway-06 Rengte Tlangsang, Kawnpui leh Khamrang kawngdunga tangkhang lirthei khalhtute chu naktuk atangin sorkar ruahmanna in eitur leh tui in tur pek an ni dawn.
- 3. MNF Party chuan tun hma lam ngaihtuahin tunlai hi Mizoram kawng chhiat ber lai ni hiala an hriat thu an sawi.
- 4. Chhattisgarh Bijapur district-ah nimin khan security force-te leh Maoist helpawl an inkap a, Maoist pali an thi.

<><><>

KARGIL VIJAY DIWAS

BJP Mizoram chuan nimin khan "Kargil Vijay Diwas" pualin BJP Mizoram State Office, Mipui Rûn-ah hun an hmang.

Palak Bialtu MLA Pu K. Hrahmo chuan, Kargil Vijay Diwas chu India ram tana ni pawimawh leh ni chhinchhiah tlak tak a ni a ti a, Kum 1999-a Kargil War-a India-in hnehna a chan hriatrengna leh chu Indona-a Sipai huaisen nunna chan ta te hriatreng nana hun hman thin a ni, a ti.

Pu K. Hrahmo chuan, Kargil indo hunlaia India ram puitu pawimawh tak chu Israel ram an ni a ti a, Israel puihna avangin Kargil War ah pawh khan India a chak a tih theih nia sawiin, Kargil War-ah hian India sipai huaisente chu khawluma piang leh seilian nimahsela, an tawrhchhelna leh an tumruhna leh an huaisenna avangin India chuan hnehna a chang thei a ni a ti. Kargil War hian India ram chu khawvel hriat-ah a ropui zia a tarlang a ni. India hmalakna fing tak avang khan khawvel pawhin India an hmuh dan a dang ta a ni a ti a.

Pu Hrahmo chuan sawi chhunzawmin, hmanni lawkah Operation Sindoor atang pawh khan Pakistan tan chuan India beih hi a sim thlak hle ngeiin a rinawm a ti a, Mizoram mipuite pawh India rama an awm chu an vannei hle tih sawiin, lawmna chang hriat pawh a ngai a ni a ti a. India ram hausakna chhawr ve turin Mizoram mipuite pawh an inbuatsaih a, an ngaihtuahna an sen a ngai a ni," a ti bawk.

Inkhawmna hun neih zawhah hian, Sipai huaissen Ram tana nun chante hriatrengna leh zahna en tir nan War Memorial, Zodin Square ah MLA leh State Vice President Pu Vanupa Zathang te'n pangpar an dah bawk a ni.

<><><>

FOOD SUPPLY

National Highway-06 Rengte Tlangsang, Kawnpui leh Khamrang kawngdunga tangkhang lirthei khalhtute chu naktuk atangin sorkar ruahmanna in eitur leh tui in tur pek an ni dawn.

Food Civil Supplies & Consumer Affairs Minister, Pu B. Lalchhanzova kaihhruaiin Bialtu MLA leh Deputy Speaker Pu Lalfamkima leh Kolasib District Official te thukhawmin lirthei tangkhangte chungchang hi tukin khan Kolasib-ah an ngaihtuah a, Ei leh in tur ngaihtuaha, a mawmawhtute hnena sem hna hi Kolasib atanga hmar lam chu KDTOA & MTDA leh an phungbawmte kutah dah felin, chhim lam chu Kolasib Sub-Hqrs. YMA kutah a dah a ni a. A tum khat nan lirthei khalhtute hi buhfai, dal, tel, purunsen leh tui thianghlim pek ni se ti-a rel a ni.

Hetihlai hian, PWD puihnaa NHIDCL-in kawng chhe siam hna an thawh mek chuan duhthusam la pha chiah lo mah se, hmasawmna a awm viau tawh nia hriat a nih avangin Nitin mamawh lakluh chungchangah mipui ten harsatna an tawh loh nan - buhfai, eirawngbawlna gas leh tuialhthei phurte chu ngaih pawimawh bik an ni ang tiin nimin khan sorkar thuneitute chuan an rel a.

Tun hnai khan Commissioner & Secretary Pu H. Lalengmawia leh Supply Dept Secy Pi Teresy Vanlalhruaii bakah Mizoram Oil Tankers Drivers’ Association (MOTDA) aiawhte an thukhawm a, Mizoram chak lakluh kawngah ruahmanna hrang hrang an siam a ni.

(Voice Cast)
(Puan lan tawh angin Mizoram Oil Tanker Driver Association (MOTDA) te chuan Zirtawpni khan an nawrh an ti tawp tawh a. Vairengte leh a chhehvella Tanklorry 6 ding mek te chu Zirtawpni tlai dar 3:30 khan Vairengte chhuahsanin Aizawl lam pan in an chhuak a, mahse tukin zing thleng kha chuan Aizawl khawpui laili a Filling Station awm - Zangena leh MizoFed te chuan Petrol leh Diesil hralh tur an la nei lo a, khua a chhiat bawk avangin Aizawl khawpuiah mi chhuak vak an tlem hle bawk a ni)

<><><>

MNF PRESS CONFERENCE

MNF Party chuan tun hma lam ngaihtuahin tunlai hi Mizoram kawng chhiat ber lai ni hiala an hriat thu an sawi.

Nimin khan Aizawl Press Club-ah MNF Party hian Chanchinbu mite an kawm a, an General Secretary Pu J. Malsawmzuala Vanchhawng chuan ZPM sorkarin kawng siam nana chhiah a lak Road Maintenance Cess tlingkhawm pawh Rs 25,54,57,771 a tling tawh a ti a. Chhiah petu mipui tan sorkar chu rin zui a harsat a rin thu a sawi bawk a. Kawngpui siamna tur pawisa awm reng chungah kawng siam that a ni lo chu pawian ti a, Mizoram sorkar in mipui te a zah lo niah an ngaih thu an sawi.

(Byte: J. Sawma Vangchhawng)

MNF Party chuan chhiah lak hrim hrim chu an sawisel lo tih sawiin, mipuiin chhiah an pek khawm chu engtin nge hman a nih chu an ngaipawimawh tih an sawi a, tuna kawng siamna tur chhiah la chung si a kawng a chhe leh si chu a pawl an tih thu an sawi bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

Maoist

Chhattisgarh Bijapur district-ah nimin khan security force-te leh Maoist helpawl an inkap a, Maoist pali an thi. Maoist thah ruang pawh hmuh chhuah a ni tawh a, Security te hian ralthuam tam tak an hmuchhuak bawk a, chung zingah chuan, Self-loading rifle te pawh a tel.

District chhim thlang lam biala Maoist-te awmnna a hriatchhuah hnuah security force-te chu zawn hna thawk turin tirh an ni. Tlailam atang khan security force leh Naxalite-te an inkap tan a. A hmun leh a chhehvelah techu security force-te'n nasa takin an endik mek a ni.

<><><>

MADC MONSOON SESSION

Mara Autonomous District Council Monsoon Session 2025, nithum chhung awl chu July ni 23-25 chhung khan tluang taka zawh a ni a. Official Bill pahnih leh Official Rules pali te chu pass a ni.

Kumin Monsoon Session thutkhawmnna-ah hian starred question 17 a awm a, unstarred question 2 a awm bawk. Unstarred question te hi member-te dawhkanah dah niin starred question 17 te hi thutkhawm hun ni 3 chhungin zawhna leh chhanna siam zawh vek a ni.

Official Bill pahnih - The Mara Autonomous District Council (Non-Agricultural Land Settlement) (Third Amendment) Bill 2025 leh The Mara Autonomous District Council (Agricultural Land Settlement) (First Amendment) Bill 2025 te pass a ni.

<><><>

LEADERSHIP TRAINING

Serchhip Sub Hqrs YMA buatsaihin 'Leadership Training cum Ruihhlo Do Awareness Campaign' programme 'Leadership Training' chu nimin khan hman a ni.

Serchhip Sub Hqrs YMA Hall-a hun hmanah hian Serchhip Town chhung leh Serchhip Sub Hqrs YMA in direct a awp YMA Branch 7 aiawh an kal khawm a. Resource Person atan Pu Vanneihtluanga hman a ni.

Pu Vanneihthuanga chuan, YMA Hruaitu nihna leh mawhphurhna/chanvo te, YMA inkaihhruaina dan dik leh fel chungchangte, hruaitu tha ni tura hriattur pawimawh hrang hrang te, 'Kohhran leh YMA' & 'Sawrkhar leh YMA'chungchanga zirpuuin, YMA kalphung zel tur atan zawhna leh chhanna te leh sawi hona hun hman a ni bawk.

He hunah hian District Legal Services te bultumin, Ruihhlo Do Awareness Campaign neih a ni bawk a. Dan hnuai a ruihhlo dona kawnga YMA Branch hrang hrang hruaitute hriattur pawimawh hrang hrang te leh pawimawh in zirtirna an neih bakah Serchhip District chhunga hman tur tunhnaia Bialtu MLA leh Mizoram CM ni bawk Pu Lalduhoma'n 'Mobile App' a lo tlangzarh tak 'Vantlang Viltu' tih chu Serchhip DC Office atangin tangkai lehzual a hman dan tur inzirtirna hun hman a ni bawk.

<><><>

PM MANN KI BAAT

Prime Minister Narendra Modi chuan vawiin chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, tum 124-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>